Терпяще томления гладная (об.) крепко радующеся надеемых, коего дни сыту быги, друг ко другу глаголюще: ярыжные кабацкие, егда убо пьянои 516 из мошны денег выимет, 517 и от дурнаго обычая не оставляем, [восприимем ярость] 518 з голоду, терпение не добро с молотцы пропивати, но добро 519 у мужиков 520 у пьяных напиватися, не убоимся, о голенские, мало 521 поворуем, да с кнутьем по торгу [водими будем от судеи в тюрму ввержемся] 522 [и тамо мы с голоду не умрем.

Терияще зубом искоренение и руку отрезание и ногу и сосцу раздробление удом от беззаконных судей в доброты женихов взирающи болезни претерпевающи паче естества, многострадальная, невеста нетленная христова, моли еже спасти душа наша. (М.)

Мечюще одеяние свое, ходяще безпрестани на корчму друг ко другу глаголаху с похмелья попы и дияконы склад чиняху и на мед посылаху на ведро глаголюще: пропьем <sup>523</sup> однорядку темнозеленую да повеселимся, не пощадим кафтана зеленаго, сорокоустными денгами окупимся; сице попы помышляюще пьяные, коего бы мертвеца с зубов одрать (35 об.), черными сермягами оболчемся и у мужиков во братчинах изопьем и от попадеи жюрбы убежим и опять по старому жити почнем, видяще наготу кабацкую, текуще яко <sup>524</sup> к убытку великому, друг ко другу служивые люди глаголаху: немножко меду возмем для уныния, посидим, никако с себя ничево не заложим, и как хмель силу возмет, пропита будет и однорядка; поживем на кабаке, не спустим и кафтану своему, не пощадить пианица платья своего.] <sup>525</sup> Хощет до нага пропитися з басы, пред собою стояти ярыжным повелевая. да скоморохами <sup>526</sup> [вострубит, без всего живота станет, да с похмелья кручиною увязется и от добрых людеи отлучится, и без всего имения станет.

Ины стихиры пустошные: Самозван еси, человече, прииди на кабак, видя на суши тонущих без воды, а ты хочешь сух вытти, мечты творишь во уме: немножко посижю для уныния, ажно в долгое время пройдет, веселие твое в печаль обращается, болезнь умножается, стонота и охание с похмелья.

На хвалу на кабак потекл (36 об.) еси, малоумне человече, и тои тя прославит до нага пропитися и во временней сей жизни скитатися по миру с мешком под окошками просити и собак кнутом дразнити, тем же дерзновение и пропасть стяжал еси.

Глас 8. На хвалу потекл еси господню, Николае, во временней жизни и той тя прослави на небесней и истинней жизни, тем же дерзновение стяжав к нему, моли спасти душы наша.

 $^{516}$  у пьяного P, И.  $^{517}$  выимем P, И.  $^{518}$  так P, И; П яро.  $^{519-520}$  проп. P, И.  $^{521}$  убо о голенские тако P.  $^{522}$  так P, И; П увяземся и оттуде и в тюрму; с этих слов в П  $^{60$ льшой пропуск.  $^{528}$  И.  $\partial o \delta$ . оденние сиречь  $^{524}$   $\partial o \delta$ . слепи И.  $^{525-526}$  эти слова есть и в П